

مستطابق

در سعادته باب عالی جاده سنده
اداره مخصوصه
محل اداره :

مستطابق :
مستطابق موافق آثار جدید مع المنوین
قبول اولنور
درج ابدلین آثار اعاده اولنور

دین، فلسفه، ادبیات، حقوق و علوم دین باحث هفته لاق رساله در

مؤسسه : ابوالعلا زین العابدین - ح . اشرف ادیب

در سعادته نسخه سی ۵۰ پاره در

قبیله دن مقوا بورو ابله کوند ریلر سه سنوی
۲۰ فروش فضله آلنیر

تاریخ تأسیسی :

۱۱ خور ۳۲۴

سنه لکی	القی آبلانی
۶۰	۳۰
۸۰	۴۰
۸۰	۴۰

در سعادته

ولا پاتده

مملک اجنبیه ده

در سعادته پوسته ابله کوند ریلر سه ولا یات بدلی اخذ اولنور

ایکنجی جلد

۱۸ صفر ۳۲۷ پنجشنبه ۲۶ شباط ۳۲۴

عدد : ۲۹

اولان معامله خصمینک برینه میل ایتیه رک ، هیچ برطرفک نفعی کوزتمیه رک هر نه صورتله اولورسه اولسون حقه توسل و اجرای عدالتدن عبارتدر . بومقصد محافظه اولوندینی تقدیرده زمان و مکانک دخل و تأثیری ، ترقیات بشریه نک ایجاب طبعیسی ایله اصول محاکماتک تبدل وتنوع ایتسند برمحذور مطالعه اولونه ماز ظن ایدرز .

مثلاً ایکی متهم شخصک یالکزجه موقوف بولونقلری محله بر فونوغراف قونوبده مرتکب اولدقلری جنایتک کیفیت وقوعه ، ونه صورتله وادی انکارده بولونه جقلرینه دائر مکالمه لری ضبط اولونسه اوواسطه ایله استماع اولونان اقرار و افاده لری اوزرینه حقیقت حالک صورت قطعیه ده ثبوت بوله جنی آشکاردر .

حد ذاتنده شهیددن خالی اولیان شهادت شهود ایله حکم امر مشروع اولدینی حالده بو طریق ایله ثابت اوله جق حق و حقیقتک نظر مطالعیه آلماسی موافق شرع بر حرکت عد اولنق نزد اولی النهاده غایت مستبعددر .

شرع انورک علی الاطلاق محافظه عدالت و احقاق حقوقی توصیه ایتکده اولسنه بناء ائمه فقهانک برچوخی اقامه ینه قابل اولمادینی تقدیرده حاکم کندی علم و اطلاعنی مدار حکم قلمسنی تجویز ایتشدردر .

امام شوکانی رحمه الله بومسئله ده دائر بر مقاله نفیسه لری بروجه آتی نقل ایدیوروز . مشارالیه ، قاضی کندی علمنی مدار حکم قلمسی جوازنده کی اقوال علمانی حکایه ایتدکن صوکر مسئله مذکور نک تحقیق مقصدیه شویله دیمشدر :

« اکر شارعک ینه ویمین کی اسباب حکم قلدینی شیلر محضا امور تعبیه ایسه یعنی اسباب مذکورده دن ده قوتلی دلائل و امارات ایله بزه یقین حاصل اولدینی حالده آکلاویه جمیز بر سرو حکمته مبنی حکم و قضایه غیر مأذون بولنمقلغمز امر متحتم فرض قلنه جق ایسه اونر ایله تقدیمز امر ضروری اوله جنی ، بشقه بر طریق ایله حکم جائز اوله میه جنی آشکاردر .

اما حقیقت حال بوموال اوزره اولیوبده اسباب مذکوره حاکمک محق اولانی مبطلدن ، مصیب اولانی مخطیدن تفریق بقدر الامکان توسل ایدمبیله جکی بر نوع وسائط ، تعبیر آخرله ، حاکم ایچون حصولی مطلوب اولان علم و یاظن تحصیلنه کافی اوله جق برر طریق معقول عد اولونمش ، مجرد بوندن طولانی مشروع قلنمش اولورلرسه آنلرک هیچ بری لذاته مقصود اولیه جفته مبنی لدی الايجاب حاکمک بالذات مشهود و معلومی اولان شیئه دائره حکم ویره بیلرسی اولویت طریقیه جائز و مشروع اولق لازم کلیر .

چونکه مثلاً حضور حاکمه ایکی شاهدک شهادتده بولونسی مشاهده و احساس ایله تحقق ایدم جک علم حاکم مرتبه سنه بالغ ، اودرجه قوتلی بر علم حصوله کتیرمه جکی بی اشتباهدر .

کرک مدعینک اقامه ینه سی ، کرک منکرک یمین ایتیه سی حکم حاکمه

کافی کورولسیله برابر حقیقت حاله جزم و یقین افاده ایتهمسنه بناء کتب ستنک کافه سنده مذکور بر حدیث شریفده « انما انا بشر وانکم تحتصمون الی فعلل بعضکم ان یكون الحن بحجته فاقضی له بنحو ما سمع من قضیت له من حق اخیه شیئاً فلا یأخذہ فانما اقطع له قطعه من النار » بیورلمشدر . یعنی « بن آنجق بشرم ، هر شیئه مطلع اوله مام . سزده بکا مراجعتله مخاصمه ده بولونیورسکیز . اوله بیلیرکه ایچیکزدن بعض کیمسهر خصمندن افصح اولوب حجتی ده کوزل تقریر و افاده ایدر . بنده ایشتدیکم منوال اوزره لهنه قضا ایدرم . ایدمی هر کیمک ایچون بو طریق ایله برادرینک حقنده بر شیئی قطع ایتش اولور اونی آلماسون . چونکه کندیسیچون نارحمیدن برقطه افراز ایتش اولورم » بو حدیث شریف ایله قضانک باطناً دکل ، ظاهراً نافذ اولسنه استدلال اولنمقدهدر .

اوقدر قوی و قطعی اولیان بر طریق ایله حاصل اولان علم معتبر اولورده اونک قات قات فوقده بولنان علم معتبر اولمازی ! ده آجیق سویلیهلم : خطا اولق ، نفس الامر مطابق بولنماق احتماله معروض اولان حکم حاکم مشروع عد اولنورکن علم یقینییه استنادی حسیله حق و صواب اولسی مقطوع اولان حکمک مشروع عد اولنماق مسموع اولورمی ؟

بویله بر طریق ایله حکم ایدن حاکم قسط و عدالت ایله حکم ایتش اوله جفندن هر نه صورتله اولورسه اولسون حکم بالعدلی اساس اتخاذ ایدن شرع شریف نظرنده ممدوح اوله جنی امر آشکاردر .

مناسرتی اسماعیل مرقی

جانب قرآنی

سوره نور آیت - ۳۲

« وانکحوا الایامی منکم والصالحین من عبادکم و امائکم ان یکنوا فقراء یغنهم الله من فضله والله واسع علیم » .

[جناب منزل الفرقان سفاحدن وانک قریب وبعید مبادیسندن زجر و منع بیوردقدن صکره بوآیت کریمده نکاحی امر ایدیور . چونکه نکاح نوع بشرک بقاسنه مناط اولق اعتباریه مقصود بالذاتدر ، بونکله برابر سفاحدن وانک قریب وبعید مبادیسندن زاجر و مانع بر خیردر . بو حکمته مبنی بیورلیورکه] سزدن زوج و زوجه سز بولنلری وکوله وجاریه لریکزدن صلاح حاللری اولانلری آخره تزویج ایدک [زوج و زوجه لری اولیان حر و حرملری و صلاح حاللری اولان کوله وجاریه لریکزی اولندیرک] . اکر فقیر ایسه لر الله انلری فضل و کریمه غنی ایدر [خاطبک ویا مخطوبه نک فقر و فاقه سی زنه ار منا کحیه مانع طوتلمسون] . الله واسعدر [جناب حق غنی ذی

سهر ، مخلوقاتی غنی ایتک اکا زیان ونقصان ویرمز ، چونکه نعمتی توکنمز ، قدرتنک ایسه غایت ومنتهاستی یوقدر [علیمدر] حکمت ومصلحتک اقتضاسنه کوره رزقی دیله دیکنه بسط وتقدير ایدر] .
« ایامی » کلهسی « ایم » ک جمعی اولان « ایام » ک مقلوبی در .
ایم : ارکن دیمکدر ، ایستر ارکک ایستر قادین ایستر بکر ایستر تیب اولسون .

نسب ، تهذیب اخلاقه ، الفت ومعاشرته ، حسن تربیهیه ، مزید شفقته مفضی بولندیغندن صلاح عالم وبقای بنی آدم ایچون محافظهسی لابدر . بونکچون جنابحق اولاسفاحدن وصره کامودی اوله بیله جک کیفیات واحوالدن شدتله منع وزجر بیورمش ، متعاقباً بوآیت کریمهده دخی نسبی حفظ ووقایه ایدن نکاح وازدواجی امر ایتمشدر .
الحمد لله الذی احل النکاح وحرّم السفاح .

ذات نبوتناه افندمز : « من احب فطرتی فلیستن بسنتی » بیورمشدر . دین وشریعتی سون ، ستم اولان نکاح ایله عامل اولسون دیمکدر . دیگر حدیث شریفده « من کان له ما تزوج به فلم یتزوج فلیس منا » وارد اولمشدر . هرکیم تزوج ایده جک شیئی اولوب ده تزوج ایتمز سه بزدن دکدر . دیگر بر حدیثده « النکاح سنتی فن رغب عن سنتی فلیس منی » شرف ورود ایتمشدر . ینه بر حدیث نبویده « تزوجوا الودود والود فانی مکار بکم الامم » بیورمشدر . وودود وولود اولانی تزوج ایدک ، سزک کثر تکز ایله بن امتله غلبه ایدرم .

علیه الصلاة والسلام افندمز برکون عاکف بن خالده : اولی می سین؟ دیه سوال بیوردی . عاکف : خایر .. دینجه : تزوج ایت ، سن شوخالده اخوان شیاطیندن ودیکر روایتده رهبان نصارادن سین بیورلیدی . حدیثک آخرندهده « شرارکم عزابکم واراذل امواتکم عزابکم ویحک یا عاکف » بیورمشدر . سزک شریر لیکز ارکن لیکزدر واراذل امواتکزیه ارکن لیکزدر ، یازق سکایا عاکف . احیاء علوم الدین دن کتاب آداب النکاحده شویله ذکر اولمش : « رسول اکرم صلی الله علیه وسلم افندمز [من تزوج فقد احرز شطر دینه فلیتق الله فی الشطر الثانی] بیوردی . تزوج ایدن کیمسه دینک نصفی فساددن صیانت ایتمش اولدیغندن نصف ثانیده جناب حقه مخالفتدن حذر ایلسون . فی الواقع اغلب احوالده کشینک دینی فرجیه بطنی افساد ایدوب تزوج فرجک فسادینه مانع اولدینی جهتله بوحدیث شریفدهده تزوجک افضلیتنه اشارت واردر . »

آیت کریمهده زوج زوجهری بولنمان احرار وحرارک آخره تزویج ایدملری علی الاطلاق امر بیورلدینی حالده بوامر الهی رقلر حقنده آنلردن صلاح حاللری اولانلره تخصیص بیورلمش . بونک حکمتی شودرکه احرار وحرارده غالب احوال صلاحدر ، هم برده احرار وحرار نفس وماللرینه متعلق تصرفاتده مستقل اولدقلرندن انلر تزوج عزمنده بولنجه . ولیرینک کندیلهینه مساعده ایتملری لازمدر . غلمان وجوارییه کلنجه ، بولردن صلاح حاللری اولانلری

مولالری نزدنده محبت وشفقتجه اولاد منزله سنده اولمغه انلرک حال وشانلرینه اعتنا ایتک ، حقارنده شفقت ابراز ایلیمک ، کندیلهرینک تنظیم امورنده شرعاً وعاداً لابد اولان بذل مال ومنافع ایله تکلف ایتک مولالری ایچون اقتضا ایدرسنده صلاح حاللری اولیانلری مولالرینک بواعتنا وشفقتلرینه لائق دکدرلر . حتی بومقولهلری مولالری یانلرنده بیله آلقویاملی درلر . بعضیلری : بونظم جلیله « صالحین » ایله مراد ، غلمان وجواریدن ازدواجه وحقوق زوجیتی ادایه صالح اولانلردر دیمش .

بوآیت کریمهده غلام وجاریهیه « عبد » ، « امه » اطلاق اولمش . حالبوکه رسول اکرم صلی الله علیه وسلم افندمز : « لایقولن احدکم عبدی وامتی ، کلکم عبی الله وکل نساءکم اماء الله ، ولكن لیقل غلامی وجاریتی وفتای وفتائی » بیوردی . نظم جلیل ایله حدیث نبوی اره سنده تعارض بولندینی خاطره کلیورسدهده تعارض یوقدر ، چونکه اوتعبیرلردن نری پیغمبری تفاخر وتباهی ، تحقیر وتذلیل حاله مقصوددر ، یعنی تعظیم نفس وتحقیر رقیق ایچون عبد وامه کلهلرینی استعمال ایتکمز دیمکدر .

« ان ینکونوا نقرء یغفر الله من فضله » قول شریینی ازدواج ایدنلرده غناء حاصل اوله جفته بروعد الهیدر فقط کرک بو وعد الهیده وکرک نظائرنده مشیه للهک شرط اولدینی اونودلما ملی در . جناب حکیم مطلق عزشانه حکمت علیه سزک اقتضاسی اوزره دیله دیکن ایشلر . بوشرط « وان خفتم عیلة فسوف یغفرکم الله من فضله ان شاء الله علیم حکیم » آیت کریمه سنده تصریح بیورلمشدر . بوشرطی فراموش ایتیمانلر [بعض کیمسه ارکن ایکن زنکین اولدینی حالده اولندکدن صکره فقیردوشمشدر] دیه فتح دهان اعتراض ایتمز .

اثرده « التمسوا الرزق بالنکاه » وارد اولمش وبرکون رسول اکرم افندمز بریسی احتیاجندن شکایت ایتدکده طرف نبوتناهلرندن « علیک بالباءة » یعنی تزوج ایتلی سین بیورلمشدر .

بر انسان تأهل ایدر سه اعاشة عیال ایچون کسبده سعی بلیغ ابراز ایده جکندن حقک عون وکریمیه یوقسولقدن دهها زیاده اوزاقلاشور . ورفیقه صادقه سزک یاردمیه خانهسی معمور وآبادان اولور . انسان تأهل ایدنجه هم کندینی هم زوجهنی وبرز صکرهده محصول حیاتلرینی ملاحظه ایدرک رفاه حال ایچنده یشایه لم دیه شبهه سز دهها زیاده چالیشور . قادین دخی عقل ودرا تجه کندینه فائق بولنان ارککنک رفاقیته متمتع ومستفید اولور . بناء علیه رابطه ازدواج ایله هر ایکسی هم آهنگ بر معیشت مرضیهیه ورفاهیت حاله نائل اولورلر . تزوج تناسل انسانی وجوده کلمسیچون برمنع فیض وبرکت ، حسن حال ایله یشامق ایچون عظیم بر نعمت وسعادتدر .

بعض اقوام نزدنده بالتجربه ثابت اولمشدرکه فقر وفاقه ایله امراض وردائل ارکنلرده نسبت قبول ایتمز درجه اولیلردن زیادهدر . حیف! بزده برمدتدنبری امرهم تناسله قطعاً اعتنا ایدلمیور . بوحوالیده

نفوس اسلامیه نك یوزده یكرمی بش نسبتده تناقص ایتدیكى و نقصانك
كوندن كونه آرتقمده اولدینی درسعادت نفوس دائرہ سنده بوانسان
برذاتدن و تنبیه مسموع راقم الحروف اولمش ایدی . صد هزار اسف .
معاصر لر مزدن آمریقائی بر محرر آمریقائی قادینلرك اولاد
یتشدر ماملری ووالدهلاك و ظائفندن وار ككلرك تاهلدن قانچملری
حسیله آمریقاده تزیاد نوسه خلل كلدیكنی متأسفانه بیان ایتدكن
صكره « بر مملكتده ار ككلر كثیرالافراد بر عائله یی كچدیرمكدن
قورقه رق تاهل ایتزلر و قادینلردخی بر قادین ایچون اك بیوك سعادتك
انی برزوجه ووالده اولمقندن عبارت بولندیغنی اكلاماز لرسه او مملكتك
آیتسندن قورقیلور » دیمشدر .

قادینلر ، قهرمان و فاضل محصورلات ذی حیات یتشدر مدرك وطنی
احیا و اعمار ایدر و طنك مربیه و معلمه اولاسی و خانه نك زینت
و جمالیدرلر . برنجی وظیفه لری زوجلرینه محبت و صداقت ، و والدهك
تربیه اولاد ، تدبیر منزله عائد ایشلری كورمكدر . قوجه لركده و طائفی
زوجلرینی اعاشه و حمایه ایتك . آنلر ایله حسن معاشرت و حقوق
زوجیه رعایت ایلیمكدر . طلاق انجی اسباب ضروریه بولندیغنی وقت
مباحدر . بهمه حال مفارقتك وقوعی ایجاب ایتیمان احوالده طلاق
مباح دكلدر ، رسول اكرم صلی الله علیه وسلم افندمز : « ان بغض
المباحات عند الله الطلاق » بیورمشدر كه نزد الهیده مباحلرك اك
مبغوضی طلاقدر دیمكدر . ینه مشكاه درخشان نبوتدن « تزوجوا
ولا تطلقوا فان الطلاق یتز منه العرش » حدیثی شرف صدور ایتشدر .
تزوج ایدك و فقط تطلیق ایتیمك . زیرا طلاقدن عرش رحمن
صارسیلور . درر حاشیه سی شرنبالالی ده بوبابده ذكر اولنان كلامك
خلاصه سی شودر : « اصح اولان بودر كه مفارقتی ایجاب ایدر بر
احتیاج و ضرورته مبنی اولدقجه طلاق محظوردر . طلاق نزد الهیده
بك مبغوض و منفور بر کیفیت اولدینی حالده مشروعیتی ، زوجین
بیننده تباین اخلاق حسیله بغض و منافرت وقوعه كلوبده هیچ
بروجه ایله ائتلاف قابل اوله مدینی و علی الخصوص زوجیه موجب
تهمت بر حالده بولندیغنی زمان چاره خلاص انجی طلاق اولسی و نسانك
زمام اداره سی رجلك النده بولنسی حكمتیه مبنی در » .

طلاقك حكمت مشروعه یتنه واقف اولمایان و یا خود بیایدیكي حالده تغافل
ایدن بعض بدخواهان دین مینه قارشو ، بوكون غربك طلاق عامه
قبول ایدرك حكم شرعی یه معنا اقتدا ایلمش اولملری جواب كافی دلیل
شافی در .

بركت زاده : اسماعیل مهنی

احكام الحرب و الصلح فی الاسلام

حربك اسلامیتده شروطی

تفصیلات مسروده دن مستبان اوله جنی وجهله دیانت معظمه

كذلك سورة مذكوره علی اسلامه دعوت خصوصنده (وقل
للذين اتوا الكتاب والاميين اسلمتم فان اسلموا فقد اعتدوا وان تولوا
فانما عليك البلاغ والله بصير بالعباد) معنای شریفی : ای محمد ، سن اهل
كتاب اولان یهود و نصاریه و كتابه تابع اولمایان جهله یه اسلام اولور میسكن
دیو سوال ایله : مسلمان اولورلر ایسه نائل هدایت اولمش اولورلر ،
اسلامی قبولدن امتناع ایدرلر سه سكا دوشن یالكنز وظیفه تبلیغ و دعوتی
ایفادن عبارت اولوب ، جناب حق ایسه قوللرینك احواله آكه
و آشنادر . ایشه اشبو آیات کریمه دن دخی مستبان اولدینی وجهله
اسلامه دعوت صرف وعظ و نصیحت و رفق و ملائمت صورته لریله
وقوعولمش اولوب جبر و اكراه صورته یه واقع اولمادیغنی و دینه دعوت
ایچون سیف و سنان و یاتیر و كان استعمال بیورلماش اولدینی و پیغمبر
ذیشان علیه صلوات الرحمن افندمرك غزوات شریفه و محاربات واقع لری
یا كندیلریله معاهد بولنان قبائلك نقض عهد و خیانت ایلملرینه
ویا خود اوزرینه هجوم و اقتحام ایدن اعدانك منع شر و دفع ضرر لری
مقصودینه مبتنی اولوب ظلما و عدوانا هیچ بر خربه تصدی بیورمدقلری
معلوم و مسلمدر . زیرا دینه دعوت خصوصنده اكراه و اجباره مساع شرعی
اولمادیغنی « لا اكراه فی الدین قدتبین الرشد من الغی فمن یكفر بالطاغوت
ویؤمن بالله فقد استمسك بالعروة الوثقی لا انفصام لها والله سميع عليم »
آیات کریمه لریله مدال و مضمون منیقلری : دین اسلامده اكراه و اجبار
یوقدر ، زیرا پرتو هدایت و ظلمت غوایت واضح و هویدا اولمشدر .
عبادت اصنامی ترك ایله جناب الله ایمان ایدن سعادت دارینه نائلیت
خصوصنده قابل انقطاع و انفصام اولمایان اك محكم و استوار عروه
و ثقیل حجت ایله اعتصام ایلمش اولور . جناب عالم السر و الحفایا ایسه
هر حقیقه واقف و دانادر . خصوصیه علیه الصلاة والسلام افندمرك
زمان سعادت لرنده اوقات مختلفه و اسباب موجب و مجبره اوزرینه قرق
یدی دفعه جهات شتایه سراپا بعث و ارسال و یكرمی یدی غزاده
بالذات وجود عالمسودهایونلری شرفبخش وجود اولدقلری حالده یالكنز
طقوز دفعه طرفین بیننده حرب ظهور ایتمش و غزوات سائر
قبل الحرب عقد مصالحه صورته یه نیجه پذیر حسن ختام اولمشدر .

دعوت دینه ایچون حرب جه جواز اولمادیغنی دلائل مبسوطه ایله رهین